



Bosnia and Herzegovina  
Federation of Bosnia and Herzegovina

**CANTON SARAJEVO**  
**Anti-Corruption and Quality Control Office**

Broj: 20-11-22891-1/20  
Sarajevo, 01.07.2020. godine

Na osnovu čl. 10. i 18. stav (1) Zakona o javnim nabavkama („Službeni glasnik BiH“, broj 39/14), a u skladu sa članom 5. Uredbe o osnivanju Ureda za borbu protiv korupcije i upravljanje kvalitetom Kantona Sarajevo („Sl. novine Kantona Sarajevo“ br. 7/18, 21/19 i 5/20), šef Ureda za borbu protiv korupcije i upravljanje kvalitetom Kantona Sarajevo **d o n o s i**

**Odluku o pokretanju postupka javne nabavke pružanja usluga izdavanja potvrda o vlasništvu vrijednosnih papira, za 130 nosioca javnih funkcija u Kantonu Sarajevo, koji je izuzet od primjene odredbi Zakona o javnim nabavkama i dodjeli ugovora izabranom ponuđaču**

**(REGISTAR VRIJEDNOSNIH PAPIRA U FBiH d.d. Sarajevo)**

#### **Član 1.**

(Predmet nabavke)

- (1) Odobrava se pokretanje i provođenje postupka javne nabavke za pružanje usluga izdavanja potvrda o vlasništvu vrijednosnih papira, za 130 nosioca javnih funkcija u Kantonu Sarajevo.
- (2) Postupak javne nabavke iz stava (1) ovog člana je, u skladu sa članom 10. stav (1) tačka d) Zakona o javnim nabavkama, izuzet od primjene odredbi Zakona, jer je riječ o zakonskom monopolu.

#### **Član 2.**

(Cijena usluga)

- (1) Utvrđuje se cijena usluga izdavanja potvrda o vlasništvu vrijednosnih papira, za 130 nosilaca javnih funkcija u Kantonu Sarajevo, u ukupnom iznosu od 1.300.00 KM bez PDV-a, odnosno u ukupnom iznosu od 1.300,00 KM (s obzirom da je ponuđač oslobođen plaćanja poreza na dodatu vrijednost).
- (2) Cijena ovih usluga utvrđena je prema važećoj Odluci o naknadama za usluge Registra vrijednosnih papira u FBiH d.d. Sarajevo („Sl. novine FBiH“, br. 8/2010, 64/2010, 31/2012, 38/2013, 35/2016 i 58/2018).
- (3) Troškovi nabavke terete poziciju Ureda za borbu protiv korupcije i upravljanje kvalitetom Kantona Sarajevo, Konto: 613991 – Ostale nespomenute usluge i dadžbine, CPV kod: 79990000-0 Razne usluge vezane za poslovanje.



web: <http://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277,  
Fax: + 387 (0) 33 562-217  
Sarajevo, Reisa Džemaludina Čauševića 1



### Član 3.

(Izabrani ponuđač)

Ugovor za pružanje usluga izdavanja potvrda o vlasništvu vrijednosnih papira dodjeljuje se ponuđaču REGISTAR VRIJEDNOSNIH PAPIRA U FBiH d.d. Sarajevo.

### Član 4.

(Stupanje na snagu i objava)

Ova odluka stupa na snagu danom donošenja i objavit će se na web stranici Ugovornog organa.

### Obrazloženje

U okviru provođenja Zakona o prijavljivanju i postupku provjere podataka o imovini nosioca javnih funkcija u Kantonu Sarajevo ("Službene novine Kantona Sarajevo", broj 18/19), Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured) ukazala se potreba za pribavljanjem potvrda o vlasništvu vrijednosnih papira, za 130 nosilaca javnih funkcija u Kantonu Sarajevo.

Cijena navedenih usluga utvrđena je na osnovu važeće Odluke o naknadama za usluge Registra vrijednosnih papira u FBiH d.d. Sarajevo („Sl. novine FBiH“, br. 8/2010, 64/2010, 31/2012, 38/2013, 35/2016 i 58/2018). Procjena potreba Ured odnosi se na 130 potvrda, koje će biti realizovane u narednom periodu, uz napomenu da je dogovoreno da će ovlašteni zaposlenik Ureda preuzimati gotove potvrde o vlasništvu vrijednosnih papira u službenim prostorijama Registra vrijednosnih papira u FBiH d.d. Sarajevo. U slučaju da dođe do izmjene navedene Odluke, ponuđač je dužan o tome pismeno obavijestiti Ured.

Saglasno članu 25. tačka 4. c) i d) Zakona o Porezu na dodatu vrijednost i člana 35. tačka 3. Pravilnika o primjeni Zakona o porezu na dodatu vrijednost, Registar vrijednosnih papira FBiH d.d. Sarajevo je oslobođen plaćanja poreza na dodatu vrijednost.

Ovaj postupak javne nabavke je, u skladu sa članom 10. stav (1) tačka d) Zakona o javnim nabavkama, izuzet od primjene odredbi Zakona, jer je riječ o zakonskom monopolu. Prema odredbama čl. 1. i 2. Zakona o Registru vrijednosnih papira („Službene novine Federacije BiH“, br: 39/98, 36/99, 33/04) Registar vrijednosnih papira osnovan je zakonom i obavlja poslove registracije, čuvanja i održavanja podataka o vrijednosnim papirima, te je Registar jedina institucija u Federaciji Bosne i Hercegovine sa zakonskim ovlaštenjima za izdavanje potvrda o stanju na računu.

Novčana sredstva osigurana su u Budžetu Kantona Sarajevo za 2020. godinu, na poziciji Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj: 10/20).



PO OVLAŠTENJU ŠEFA UREDA

Haruk Šahbegović



web: <http://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277,  
Fax: + 387 (0) 33 562-217

Sarajevo, Reisa Džemaludina Čauševića 1

